



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

15. Idem ex votorum Religiosoru[m] obseruatione petitur.

[urn:nbn:de:hbz:466:1-47032](#)

officiorum, modò infirmitatis, modò hominum rationem habendam ipse mihi persuadebo: semperque, sanctæ crucis amor, à mente mea longius pulsus, exulabit. ô vanissima ratiocinationum humanarum ludibria, quam verā & diuinā me virtute spoliatis, quantopere me à perfectiore Iesu Christi Domini mei imitatione remouetis!

C A P V T X V.

*Ex iis que ad votorum Religiosorum observationem faciunt,
quam desit humilitatis & crucis amor?*

De corpore, valetudine, commodis quam sèpè sum anxius?
Austeriora, duriora, laboriosa quam subterfugio & declino?
Quam facile munera promitto, largius dono, facile admitto Superiore non consulto?

Nullamne in rem vehementius afficio, quia elegans, benè elaborata, à maioribus, ab amicis donata est, vel ob aliam eiusmodi causam, quæ in maiorem Dei gloriam non dirigitur?

An facile sine facultate commodaro do, vel accipio? An a grè res meov sui dicatas, aliis vntendas permitto? An illiberalis ceteris, quæ mea sunt, accurius & laetus curro?

An superflua, curiosa, splendoris aliquid redolentia habeo? An maximè tri ta, vilia, communia, & omnium neglectissima expeto?

An quæcumque Religionis propria sunt, supellecstile omnem, vasa, res omnes, quasi sacras, & sanctorum vñibus. Deoque ipsi dicatas veneror, sollicitè conferuo, caueoque ne quid vel minimum ex illis pereat, iufringatur, atterratur, aut non iusta ratione consumatur?

Corporis macerationem, cilicijs, diuerberatione, ieuniis, vigiliis quam reformido? quam diligenter & constanter usurpo? per æstatem à calore, per hiemem à frigore, omnemque per annum ab aëris iniuriis, quam multa, quam libenter patior?

An Superiores meos intimè, & ex animo, quæ Superiores, & non quæ mihi beneulos aut beneficos, veneror & diligo? eosque maximè præfici opto, qui à me alieniores, duriores, & voluntati meæ minus obsecudent?

An excusationes & diuerticula quero, ne quod nolo iubeatur: an impedimenta artificiose inscriuro, vel intercessionibus domesticorū aut externorū efficio, ne mali iniugatur quod minus arrider. Quod si nihilominus ingratia quid imperatur, annon quasi coactè, tardè, lente, pede plumbeo, imperfectè obedio, & inconcinnè rem exequor, vt tædio Superiori sit, & in posterum nihil mihi inui-

inuitio iubeat? Cum tamen, si serio spiritu mortificationis Religiosæ ageret, eiusmodi iussiones, alacritatem maiore explere, vires meas omnes & industriam libentiū exhaustire deberem, ac sollicitius curam & vigilias intendere, ne quid illis vlla ex parte deesse posset.

An procluius ad speciosa, grata, honorifica, quam ad abiecta, odiosa, humilia Superiori me offero? An eiusmodi me prebeo, ut ad omnem cuiuscumque negotij occursum, liberrime, & magna fiducia ad me recurrat Superior? suscipiam quæ præ vilitate aut labore ceteri recusant, & perquam libenter faciam, quod alijs primò oblatum, ad me denique, id oneris a se excutientibus ceteris, est deuolutum? Si muter, officio abire iubear, restituar, iterumque destituar, plaque instar verter & reuerser, sive deque iacter, an semper cruci infixus haereo? an eternitati permanenti sic inhæreo, ut labentia nesciam tempora, & mutationibus non immuter?

An defectus & imbecillitates animi, quas in ceteris obseruo, vel quæ male gerianimaduerto, Superiori indicare non audeo, ne quid mihi innidiae, vel odij conciliem? id enim est hominum suæ existimationis nimio pere amantium.

An non mihi varias gubernationis & Superiorum ideas effingo, optans modò suauiter, modò fortiter, modò liberalius, modò parcus, varijs in rebus variè agi? quod est hominis aliena iudicia improbantis, sua verò singulariter amplexantis, Hinc & illa oriuntur, O si talem Superiorum haberemus, qui hæc & illa faceret, quam bellè omnia procederent! Velerat, Si Superior essem, hæc & illa facerem! quam cogitationem vera humilitas procul odoratur, & summa execratione abominatur.

Sed & aliunde quidquid obedientiae deest, humilitatis defectum arguit. Quid enim: si non simpliciter, sed subdolè obedio; si non hilariter, sed cum tristitia & obmurmuratione; si non integrè, sed tanquam ex parte; si ad oculum tantum, dum Superior præsens adest; si non fortiter, sed facile quoquis obnisi deijsior; si non constanter, sed tædio & remissione surrepente: nonne id semper inde ortum ducere deprehendo, quod humilitatis, quod crucis, quod dimidiandi Iesu Christi amor deficit? O Domine mi Iesu Christe, da mihi & huius perfectionis cognitionem perfectam, & desiderium ardens, & usum perseuerantem.